



Godina IV - Broj 48

Petak, 15. decembra/prosinca 1995.
SARAJEVO

Akontacija pretplate
se utvrđuje
kvartalno

534

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O POTVRDIVANJU UREDBE SA ZAKONSKOM SNAGOM O HIMNI REPUBLIKE BOSNE I HERCEGOVINE

Prolašava se Zakon o potvrđivanju Uredbe sa zakonskom snagom o Himni Republike Bosne i Hercegovine, koji je donijela Skupština Republike Bosne i Hercegovine na sjednici Skupštine od 29. novembra-studenog 1995. godine.

PR broj 1859/95
11. decembra-prosinca
1995. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON

O POTVRDIVANJU UREDBE SA ZAKONSKOM SNAGOM O HIMNI REPUBLIKE BOSNE I HERCEGOVINE

Član 1.

Potvrđuje se Uredba sa zakonskom snagom o Himni Republike Bosne i Hercegovine koju je Predsjedništvo Republike Bosne i Hercegovine donijelo na sjednici od 24. novembra 1995. godine, na osnovu Amandmana LI tačka 5. stav 3. na Ustav Republike Bosne i Hercegovine, u funkciji Skupštine Republike Bosne i Hercegovine.

Član 2.

U Uredbi sa zakonskom snagom iz člana 1. ovog zakona riječi: "Uredba sa zakonskom snagom" zamjenjuju se riječju "Zakon".

Član 3.

Ovaj zakon stupa na snagu narednog dana od dana objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

535

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O ZADUŽENJU BOSNE I HERCEGOVINE KOD MEĐUNARODNOG MONETARNOG FONDA

Prolašava se Zakon o zaduženju Bosne i Hercegovine kod Međunarodnog monetarnog fonda, koji je donijela Skupština Republike Bosne i Hercegovine na sjednici Skupštine od 12. decembra 1995. godine.

PR broj 1862/95
13. decembra 1995. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON

O ZADUŽENJU BOSNE I HERCEGOVINE KOD MEĐUNARODNOG MONETARNOG FONDA

Član 1.

Narodna banka Bosne i Hercegovine se zadužuje kod Međunarodnog monetarnog fonda za iznos od 30.300.000 SDR (specijalna prava vučenja), a u skladu sa odredbom člana 2. stav 1. Zakona o prihvatanju članstva Republike Bosne i Hercegovine u Međunarodnom monetarnom fondu i drugim međunarodnim finansijskim organizacijama na osnovu sukcesije.

Član 2.

Sredstva iz člana 1. ovog zakona upotrijebit će se za otplatu svih dospjelih obaveza prema Međunarodnom monetarnom fondu sa danom ućlanjenja, obaveza koje dospijevaju u 1996. godini i dijela obaveza koje dospijevaju u 1997. godini.

Član 3.

Rok otplate sredstava iz člana 1. ovog zakona je 5 (pet) godina (1996-2000) sa periodom mirovanja od tri godine (1996-1998).

Član 4.

Pripadajuće kamate i provizije na sredstva iz člana 1. ovog zakona plaćaju se tokom cijelog perioda otplate.

Član 5.

Ovaj zakon stupa na snagu narednog dana od dana objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

536

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O PRIHVATANJU ČLANSTVA REPUBLIKE BOSNE I HERCEGOVINE U MEĐUNARODNOM MONETARNOM FONDU I DRUGIM MEĐUNARODNIM FINANSIJSKIM ORGANIZACIJAMA NA OSNOVU SUKCESIJE

Prolašava se Zakon o prihvatanju članstva Republike Bosne i Hercegovine u Međunarodnom monetarnom fondu i drugim međunarodnim finansijskim organizacijama na osnovu sukcesije, koji je donijela Skupština Republike Bosne i Hercegovine na sjednici Skupštine od 12. decembra 1995. godine.

PR broj 1861/95
13. decembra 1995. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON

O PRIHVATANJU ČLANSTVA REPUBLIKE BOSNE I HERCEGOVINE U MEĐUNARODNOM MONETARNOM FONDU I DRUGIM MEĐUNARODNIM FINANSIJSKIM ORGANIZACIJAMA NA OSNOVU SUKCESIJE

Član 1.

Ovim zakonom odlučuje Parlament Republike Bosne i Hercegovine (u daljem tekstu "Republika") da će se Predsjednik Predsjedništva Republike suglasiti u ime Republike sa članstvom u Međunarodni monetarni fond (u daljem tekstu "Fond") i sa participacijom u Odjelu fonda za specijalno vučenje prava, kao i sa članstvom u Međunarodnoj banci za rekonstrukciju i razvoj ("Banka"), u Međunarodnoj finansijskoj korporaciji (u daljem tekstu "Korporacija"), u Međunarodnoj asocijaciji za razvoj (u daljem tekstu "Asocijacija") i u Multilateralnoj agenciji za garantovanje investiranja (u daljem tekstu "Agencija"), na bazi sukcesije članstva bivše Socijalističke Federativne Republike Jugoslavije u Fondu, Banci, Korporaciji, Asocijaciji i Agenciji, prema rokovima i uslovima, koji su specificirani u odluci, koju je prihvatio izvršni odbor Fonda 14. decembra 1992. godine, u odlukama koje su prihvatili Izvršni odbori Banke, Korporacije i Asocijacije 25. februara 1993. godine, te u odluci koju je prihvatio Upravni odbor Agencije 19. marta 1993. godine.

Član 2.

Narodna banka Bosne i Hercegovine (u daljem tekstu "Narodna banka") je ovlašćena i upućena da posudi ili na drugi način pribavi, bilo kojim odgovarajućim sredstvima, i da plati u ime Republike iznose koji se periodično plaćaju Fondu, Banci, Korporaciji, Asocijaciji i Agenciji prema rokovima i uslovima odluka ili rezolucija koji se odnose na sukcesiju članstva Republike u ovim organizacijama i prema datim članovima Sporazuma ili Konvencije i da vrši plaćanja u vezi sa participacijom Republike u Odjelu fonda za specijalno vučenje prava.

Ovim je Narodna banka ovlašćena da u skladu sa članovima sporazuma Fonda, Banke, Asocijacije i Konvencije, kojom se uspostavlja Agencija, daje bilo kakve opaske o kojim se neće moći pregovarati, koje nisu od interesa, a koje bi bile potrebne ili koje bi bile pogodne, što se tiče članstva Republike u Fondu, Banci, Asocijaciji ili Agenciji.

Član 3.

Narodna banka će služiti kao finansijska agencija, kao što se traži pod članom V, tačka 1. članova Sporazuma Fonda, i ona je, prema tome, ovlašćena da izvršava u ime Republike, sve radnje i transakcije prema raznim propisima članova Sporazuma fonda.

Ministarstvo finansija će služiti kao fiskalna agencija, kao što se traži pod članom III, tačka 2. članova Sporazuma Banke i ono je određeno kao komunikacioni kanal u vezi člana IV, tačka 10. članova Sporazuma Korporacije, člana II, tačka 10. članova Sporazuma Asocijacije i člana 38. Konvencije koja uspostavlja agenciju.

Narodna banka je određena za mjesto čuvanja valute Fonda, Banke, Korporacije, Asocijacije i Agencije u Republici.

Član 4.

Narodna banka ima pravo da primi bilo koji iznos novca koji bi se plaćao ili transferisao Republici u operacijama i transakcijama koja je ovlašćena raznim propisima članova Sporazuma Fonda.

Ministarstvo finansija ima pravo da primi bilo koji iznos novca koji bi se plaćao ili transferisao Republici u operacijama i transakcijama koje je ovlašćeno raznim propisima članova Sporazuma Banke.

Član 5.

Propisi članova Sporazuma Fonda, Banke, Korporacije i Asocijacije te Konvencija, kojom se uspostavlja Agencija, kao dopunjeni, biće punosnažni i efektivni u Republici.

Član 6.

Ovim je Vlada Republike Bosne i Hercegovine ovlašćena da izdaje propise koji su konsistentni sa propisom ovog zakona, da bi izvršavala obaveze Republike prema članovima Sporazuma i prema odlukama ili rezolucijama ovih organizacija o kojima se govori u članu 1. ovog zakona.

Član 7.

Superviziju izvršenja ovog zakona će vršiti Ministarstvo pravde.

Član 8.

Poslije konstituisanja institucija Bosne i Hercegovine, koje predviđa Ustav, koji je donesen u Dayton-u, nadležni organi vlasti preuzimaju prava, obaveze i nadležnosti od ovog zakona bez dodatne ratifikacije.

Član 9.

Ovaj zakon stupa na snagu danom objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

537

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM O IZMJENAMA I DOPUNAMA ZAKONA O PLAĆAMA PRIPADNIKA ARMIIJE I POLICIJE REPUBLIKE BOSNE I HERCEGOVINE

Član 1.

U Zakonu o plaćama pripadnika Armije i policije Republike Bosne i Hercegovine ("Službeni list RBiH", br. 28/95 i 37/95), u nazivu i u čl. 1, 2, 11. i 12. riječi: "armije i policije" zamjenjuju se riječima "oružanih snaga".

Član 2.

U članu 1. riječ "struktura", briše se, a iza riječi "plaće", dodaju se riječi: "i jednokratne pomoći".

Član 3.

U članu 2. st. 3. i 4. brišu se.

Član 4.

U podnaslovu II riječ "STRUKTURA" briše se.

Član 5.

U članu 3. stav 1. mijenja se i glasi:

"Plaća iz člana 1. ovog zakona za svaki mjesec proveden u oružanim snagama iznosi:

- 400 DEM za sve pripadnike,
- 500 DEM za pripadnike - ratne vojne invalide sa preko 60% invaliditeta, osim pripadnika iz alineje 3. ovog stava,
- 600 DEM porodicama poginulih pripadnika, koji su život izgubili kao pripadnici oružanih snaga i ratnim vojnim invalidima sa 100% invaliditeta, od dana angažovanja do kraja rata."

Iza stava 1. dodaje se novi stav 2. koji glasi:

"Plaća iz stava 1. ovog člana isplatić će se u vrijednosnim papirima, prema posebnom propisu."

Dosadašnji st. 2. i 3. postaju st. 3. i 4.

Član 6.

Član 4. mijenja se i glasi:

"Pripadnicima oružanih snaga, odnosno korisnicima iz člana 11. Zakona o plaćama pripadnika Armije i policije Republike Bosne i Hercegovine od 01. novembra 1995. godine, isplaćivat će se i jednokratna novčana pomoć, mjesečni paketi sa namirnicama i sredstvima za ličnu higijenu (u daljem tekstu: paket), cigarete, te ukupno ili djelimično subvencionirati komunalne usluge, odnosno troškovi stanovanja, u skladu sa mogućnostima Republike Bosne i Hercegovine, a na osnovu posebnih odluka."

Član 7.

Članovi 5, 6, 7, 8. i 9. brišu se.

Član 8.

U članu 10. iza riječi "plaća" dodaje se zarez i riječi: "jednokratne pomoći, paketa i cigareta."

Član 9.

U članu 12. riječi: "plaću ili" brišu se.

Član 10.

Članovi 14. i 15. brišu se.

Član 11.

Danom stupanja na snagu ove uredbe prestaje da važi Odluka o utvrđivanju visine isplate novčanog dijela plaće za pripadnike Armije, policije i drugih korisnika ("Službeni list RBiH", broj 31/95).

Član 12.

Ova uredba stupa na snagu danom objavljivanja u "Službenom listu RBiH".

PR broj 1860/95
12. decembra 1995. godine
Sarajevo

Predsjednik
Predsjedništva RBiH,
Alija Izetbegović, s. r.

538

Na osnovu člana 98. u vezi sa članom 99. Zakona o finansiranju javne potrošnje ("Službeni list RBiH", br. 5/95 i 9/95), Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

ODLUKU

O USTUPANJU IZVORNIH PRIHODA I PRIJENOSA RASHODA REPUBLIKE BOSNE I HERCEGOVINE OKRUZIMA ODNOSNO KANTONIMA

I

Ovom odlukom utvrđuju se prihodi i rashodi Republike Bosne i Hercegovine (u daljem tekstu: RBiH), koji se ustupaju i prenose na okruge, formirane u skladu sa Zakonom o formiranju i radu okruga ("Službeni list RBiH", br. 12/92, 14/92, 16/92, 18/92, 21/92, 3/93, 22/93, 13/94 i 9/95), odnosno kantone, na kojima se primjenjuju važeći zakoni RBiH.

II

Ustupaju se izvorni prihodi RBiH, ostvareni na nivou okruga, odnosno kantona, i to od:

1. poreza na promet proizvoda iz Tar. broja 1. i Tarife poreza na promet, i to:
 - naftne i naftnih derivata, kahve, alkohola, alkoholnih pića, bezalkoholnih pića, piva, duhana i duhanskih preradevina 30%
2. Posebni porezi 30%
3. poreza na promet ostalih proizvoda iz Tar. broja 1. Tarife poreza na promet 30%
4. poreza na promet proizvoda iz Tar. br. 2, 3, i 4. Tarife poreza na promet proizvoda 90%
5. poreza na promet usluga iz Tar. broj 1. Tarife poreza na promet usluga 90%
6. poreza na dobit preduzeća 30%
7. poreza na plaću 40%
8. poreza za obnovu RBiH 50%
9. doprinos za zdravstveno osiguranje 70%
10. doprinos za osiguranje od nezaposlenosti 90%

III

Prihodi iz tačke I ove odluke naplaćivat će se u skladu sa zakonskim propisima kojima je regulisano plaćanje poreza i doprinosa.

IV

Za okruge koji nisu konstituisani, odnosno koji nisu obrazovali okružne organe uprave, poslove i zadatke iz njihove nadležnosti, vrše nadležni organi uprave najbližeg susjednog okruga.

V

Na području Unsko-sanskog kantona i okruga Goražde primjenjuje se Odluka o ustupanju izvornih prihoda Republike Bosne i Hercegovine, okrug Bihać i okrug Tuzla, općinama Srebrenica ("Službeni list RBiH", broj 1/95).

VI

Obaveze RBiH koje se prenose na finansiranje okruga odnosno kantona su:

1. Djelimično finansiranje potreba oružanih snaga RBiH u skladu sa Zakonom o plaćama pripadnika Armije i policije RBiH ("Službeni list RBiH", broj 28/95).
- 2.2. Rad organa uprave:
 - 2.1. Organi uprave i pravosudni organi RBiH
 - Osnovne sudove
 - materijalni troškovi 100%
 - bruto plaće i ostala lična primanja 100%
 - Više sudove
 - materijalni troškovi 100%
 - bruto plaće i ostala lična primanja 100%
 - Viši sudovi za prekršaj

- materijalni troškovi	100%
- bruto plaće i ostala lična primanja	100%
- Više javno tužilaštvo	
- materijalni troškovi	100%
- bruto plaće i ostala lična primanja	100%
- Osnovno javno tužilaštvo	
- bruto plaće i ostala lična primanja	100%
- materijalni troškovi	100%
2.2. Okružni vojni sudovi	
- materijalni troškovi	100%
- bruto plaće i ostala lična primanja	100%
- Okružna vojna tužilaštva	
- materijalni troškovi	100%
- bruto plaće i ostala lična primanja	100%
3. djelimično finansiranje materijalnog osiguranja raseljenih lica i izbjeglih lica	
4. djelimično finansiranje zaštite prirode i prirodnih resursa	
5. djelimično finansiranje obnove i razvoja RBiH	
6. finansiranje zajamčenih prava u oblasti osnovnog i srednjeg obrazovanja	
- materijalni troškovi	100%
- bruto plaće i ostala lična primanja	100%
7. zdravstvena zaštita utvrđena Zakonom o zdravstvenoj zaštiti ("Službeni list SRBiH", br. 18/86, 17/79 i 38/90), izuzev rada ustanova koje su rješenjem Vlade RBiH utvrđene od posebnog interesa za RBiH.	
8. obaveze za osiguranje od nezaposlenosti	100%
9. djelimično finansiranje infrastrukture (putevi, željeznice, elektroprivreda, PTT, RTV, aerodromi, vodosnabdijevanje, geološka istraživanja itd).	
10. kompenzatorno finansiranje (dotacija, premije i regres itd).	
11. dopunska sredstva općinama i društvenim organizacijama na nivou okruga, odnosno kantona.	
12. finansiranje ostalih izdataka iz člana 20. tačka 10. Zakona o finansiranju javne potrošnje.	

VII

Realizaciju poslova koji se prenose kantonu iz tačke VI ove odluke obavljaće u saradnji sa kantom radnici zaposleni u filijalama resornih ministarstava. Plaće i materijalne troškove za ove radnike obezbijedit će se preko nadležnih ministarstava.

VIII

Ova odluka važi za period oktobar-decembar 1995. godine, odnosno za isti period za koji se donosi budžet RBiH.

IX

Ova odluka stupa na snagu narednog dana od dana objavljivanja u "Službenom listu RBiH".

PR broj 1858/95
11. decembra/prosinca
1995. godine
Sarajevo

Predsjednik
Predsjedništva RBiH,
Alija Izetbegović, s. r.

539

Na osnovu člana 34. stav 2. Zakona o Vladi Republike Bosne i Hercegovine ("Službeni list RBiH", broj 13/94), Vlada Republike Bosne i Hercegovine, donosi

ODLUKU

O STAVLJANJU NA RASPOLAGANJE MAZUTA

I

Stavlja se na raspolaganje Ministarstvu zdravstva, za potrebe Regionalne bolnice i Specijalne bolnice za plućne bolesti u Travniku

mazut

300 tona

II

Navedenu količinu mazuta iz tačke I ove odluke obezbijedit će Državna direkcija robnih rezervi u najhitnijem roku.

III

Ova odluka je objavljena na oglasnoj tabli Vlade Republike Bosne i Hercegovine dana 12. decembra 1995. godine, kada je i stupila na snagu a objavit će se i u "Službenom listu RBiH".

V broj 240/95
12. decembra 1995. godine
Sarajevo

Predsjednik
Vlade RBiH,
dr Haris Silajdžić, s. r.

SADRŽAJ

4. Zakon o potvrđivanju Uredbe sa zakonskom snagom o Himni Republike Bosne i Hercegovine	1189	537. Uredba sa zakonskom snagom o izmjenama i dopunama Zakona o plaćama pripadnika Armije i policije Republike Bosne i Hercegovine	1190
35. Zakon o zaduženju Bosne i Hercegovine kod Međunarodnog monetarnog fonda	1189	538. Odluka o ustupanju izvornih prihoda i prijenosa rashoda Republike Bosne i Hercegovine okruzima odnosno kantonima	1191
36. Zakon o prihvatanju članstva Republike Bosne i Hercegovine u Međunarodnom monetarnom fondu i drugim međunarodnim finansijskim organizacijama na osnovu sukcesije	1190	539. Odluka o stavljanju na raspolaganje mazuta	1192

Izdavač: Novinsko-izdavačka organizacija Službeni list RBiH - Sarajevo, Ulica Magribija 3 - Poštanski fah 3 - Direktor i odgovorni urednik Mehmedalija Huremović - Telefoni - direktor: 663-470, fax 663-470 - Redakcija i Pretplata: 663-471 - Računovodstvo: 651-257 - Poslovnica, Malta 21, telefon 657-441 - Akontacija pretplate se utvrđuje kvartalno, a uplata se vrši UNAPRIJED u korist računa: 10100-603-1396 za dinarsko poslovanje i računa: 10100-603-639 za devizno poslovanje - Kompjuterska obrada: NIO Službeni list RBiH Sarajevo - Štampa: »OKO« dd sa p. o. Sarajevo - Za štampariju Rasim Rapa - Reklamacije za neprimljene brojeve primaју se 20 dana od izlaska lista.

Prema mišljenju Ministarstva obrazovanja, nauke, kulture i sporta broj: 08-114-4/95 od 13. 3. 1995. godine, službeno glasilo smatra se proizvodom iz člana 19. stav 1. tačka 12. Uredbe sa zakonskom snagom o porezu na promet proizvoda i usluga, za koje se ne plaća porez na promet proizvoda, a po mišljenju Ministarstva finansija broj 05-021-1768/95 od 28. 3. 1995. godine, prodaja službenog glasila ne spada u prodaju proizvoda koji služe javnoj ličnoj potrošnji, te ne podliježe plaćanju poreza trgovine na malo.